

Qatserisartoqarfinni sulisut ilinniartitaanissaat pillugu Namminersornerullutik Oqartussat nalunaarutaat

Inuussutissarsiutinut ilinniartitaanerit inuussutissarsiutinullu pikkorissartitsisarnerit pillugit Inatsisartut inatsisaanni nr. 2-mi 31. maj 1999-imeersumi § 7, imm. 2-3, § 8, imm. 4, § 49 aamma KANUKOKA-mut isumaqatigiinniareerseq, tak. § 53, naapertorlugit aalajangersarneqarpoq:

Aqutsineq

§ 1. Ilinniartitaanermut Pisorta qarfiup akisussaaffigaa Ilinniakkamut Ataatsimiititaliamik, taaneqartumik Qatserinermut Ilinniartitaaneq pillugu Ilinniartitsissutissanut Ataatsimiititaliamik pilersitsisoqarnissaa.

Imm. 2. Ilinniartitsissutissanut ataatsimiititaliaq tallimaniit arfineq-pingasunut ilaasorta qarpoq.

Ilinniartitaanermut Pisorta qarfiup Qatserinermik Ilinniarfiup inassuteqarnera malillugu kikkut ataatsimiititaliami sinniisuutinneqassanersut aalajangissavaa.

Imm. 3. Ilaasortat qatserinermik ilinniartitsinerit ilisimasaqarluartuussapput.

Imm. 4. Ilaasortat oqartussaaffeqarfinnit Ilinniartitaanermut Pisorta qarfiup akuersissutigisimasaanit toqqarneqassapput, takuuk imm. 2. Toqqaneq ukiunut marlunnut atuuttuussaaq.

§ 2. Ilinniartitsissutissanut ataatsimiititaliaq nutaamik toqqarneqarnerup kingornagut ataatsimeeqqaarnermini inississaaq siulittaasup tullissaanik qinersilluni. Ilinniartitsissutissanut ataatsimiititaliamut siulittaasuussaaq Immikkoortoqarfimmi siulittaasuusoq.

Imm. 2. Ilinniartitaanermut Pisorta qarfiup suleriaasissatut najoqqutassiaq aammattaaq katitigaanermut suliasanullu killissarititanik imaqartoq suliarissavaa. Ilinniartitsissutissanut ataatsimiititaliaq suleriaasissamut siunnersuusiussaaq Ilinniartitaanermut Pisorta qarfiup akuersissutigisassaanik.

§ 3. Qatserinermik Ilinniartitsinerit Ilinniartitsissutissanut Ataatsimiititaliap ilinniartitsinerit najukkani pissutsinut naleqqussarneqarnissaat kiisalu ilinniartitsissutissat qaffasissusissaat pineqartumut naleqquttuunersut naammattumillu qaffasissuseqarnerisut nakkutigisassarai.

Imm. 2. Qatserinermik Ilinniartitsinerit Ilinniartitsissutissanut Ataatsimiititaliaq Ilinniartitaanermut Pisorta qarfiup makkua akuersissutigineqarnissaannut siunnersuusiortassaaq:

1) Ilinniartitsinerit pikkorissartitsinerillu tamaasa ilinniartitsinissamut pilersaarusernerinik.

Ilinniartitsinissamut pilersaaruseriat imaqassapput ilinniartitsinerit pikkorissartitsinerillu siunertaannik imaannillu, siviussusissaanik ilusilersugaanerannillu.

- 2) Ilinniartitsinerit pikkorissarnerillu nutaat aallartinneqarnissaat.
- 3) Ilinniartitseqqinnerit aammalu ingerlaqqiffusumik ilinniagaqarfii aallartinneqarnissaat.

§ 4. Kalaallit Nunaanni Qatserinermik Ilinniarfiup suliassaraa, Kalaallit Nunaanni najukkami nunalluunniit immikkoortuini pikkorissartitsinerit aqputigalugit imaluunniit Kalaallit Nunaata avataani pikkorissartitsinissani peqataatitsinissamik isumaqatiginninniteqarnikkut, qatserisartut pisortaasa, qatserisartut pisortaasa tulliisa, suleqatigiiaanik aqutsisut, suliniuteqarnernut pisortat kiisalu qatserisartut ilinniartissallugit.

Imm. 2. Kalaallit Nunaanni Qatserinermik Ilinniarfik ilinniartitaanernut pikkorissarnernullu ataasiakkaanut ilinniartitsinerimut pilersaarusiortassaaq.

Imm. 3. Kalaallit Nunaanni Qatserinermik Ilinniarfik siunnersuisuunermik ilitsersuisuunermillu suliamigut najukkani ataasiakkaani ilinniartitaanerni suliniuteqarnermigut peqataassaaq sungiusarnissamut pilersaarutit, ilinniartitsinissutissanut atortussat, atuakkat najoqqutassianik imallit assigisaasalu nassiussornerisigut kiisalu qatserisartoqarfii sulisuisa sunniuteqarluarnerulernissaannik suliniuteqarnermigut.

§ 5. Kommunip najukkami tunngaviusumik ilinniartitaanerit allaffissornikkut aqunneqarneri siulersussavai akisussaaffigalugillu, tak. §§ 9-11. Tunngaviusumik ilinniartitaaneq najukkani qatserisartoqarfinni ataasiakkaani ingerlanneqassaaq imaluunniit nunap immikkoortuini qatserisartoqarfinni arlalinni sulisut ataatsimoortillugit pikkorissartinneqarnerisigut.

Imm. 2. Kalaallit Nunaanni Qatserinermik Ilinniarfiup ilinniartitsinerit ingerlaqqiffusut allaffissornikkut aqunneqarneri siulersussavai akisussaaffigalugillu, tak. §§ 13-16.

§ 6. Kommunip, peqataasup atorfeqarfigisaata, najukkami tunngaviusumik ilinniartitaanermut atatillugu aningaasartuutit aamma ilinniartitaanerni pikkorissarnernilu peqataasut sulinissaraluaminni annaasaqaataat ullormusiaallu uppernarsaasikkat tamaasa akilissavai, tak. § 8.

Imm. 2. Kalaallit Nunaanni Qatserinermik Ilinniarfiup aningaasaqarnermut inatsimmi aningaasat aalajangersarneqartut iluanni, angalanermi najugaqarnermilu aningaasartuutit kiisalu pikkorissartitsinissamut peqataasussatut tiguneqartut pikkorissarnermut atatillugu aningaasartuutaat akilissavai, tak. § 7, imm. 2.

Qatserinermik ilinniarnermi peqataanissamut tiguneqarneq

§ 7. Ilinniarneq aallartissagaanni qinnuteqartut kommunimi qatserisartoqarfimmi atorfeqassapput.

Imm. 2. Kalaallit Nunaanni Qatserinermik Ilinniarfiup qatserisartoqarfii ataasiakkaat naalagaasa inassuteqarnerat naapertorlugu qatserisartut pikkorissartussat tigusassavai, tak. § 8, imm. 1, nr. 2 aamma § 8, imm. 2.

Ininniartitaanerup ilusilersugaanera

§ 8. Ilinniartitaaneq immikkoortukkuutaarlugu aqqissuunneqarpoq immikkoortunillu makkuningga imaqarluni:

- 1) Najukkami tunngaviusumik ilinniartitaaneq.
 - a) Ikiueqqaarneq, tak. § 9.
 - b) Tunngaviusumik ilinniartitaaneq, tak. § 10.
 - c) Putsumut pulalluni qatserinermut aammalu pumpinik paaqqutarinninnermut pikkorissarneq, tak. § 11.
 - 2) Ilinniartitaaneq ingerlaqqiffusoq:
 - a) Ikuallattoqartillugu suliassanut ilinniartitaaneq, tak. §§ 13-14.
 - b) Suleqatigiiaanik aqutsisutut pikkorissarneq, tak. § 15.
 - c) Ikuallattoqartillugu qatserinermi pisortatut pikkorissarneq, tak. § 15.
- Imm. 2.* Kalaallit Nunaanni Qatserinermik Ilinniarfup pisariaqartitsineq naapertorlugu imaluunniit akunnermiliunnermigut pikkorissartitsinerit allat suliamut attuumassuteqartut ingerlassinnaavai.

Najukkami tunngaviusumik ilinniartitsineq

§ 9. Ikiueqqaarnermik pikkorissartitsinerni siunertaavoq peqataasut ikiueqqaarnermik paasinninnissaat aammalu ikiueqqaarnermik pisinnaassuseqalernissaat, taamaalillutik taakkua

- 1) ajutoortarnerni nalinginnaasumik pisartuni aammalu napparsimaleriataarnermi kiisalu ajoqusernerna erseqqinnerusumik nassuiarneqartuni naammassillugit suliarinnissinnaalersillugit.
- 2) inunnik ajutoornerup kingunerisaanik imaluunniit napparsimaleriataartunik sapinngisamik uumaannartitsiniaasinnaangorlugit uummarsaasinnaangorlugilluunniit, annaassiniartartut nakorsalluunniit akisussaaffimmik tigusinissaasa tungaannut, aammalu
- 3) aqqunartiternerit innarluuteqarnermik kinguneqarsinnaanerit pinaveersimatissallugu kiisalu ajoqusernerna annikinnerusunik suliarinnissinnaalersillugit, nakorsamik ikiorteqarnissaq pisariaqartinneqangippat.

Imm. 2. Ikiueqqaarnissamik pikkorissartitsineq ilinniartitsinermut pilersaarut akuersissutigineqartoq naapertorlugu najukkami qatserisartut naalagaanit ingerlanneqarnissaa qulakkeerneqassaaq. Ikiueqqaarnissamik pikkorissartitsineq nal. akunnerinik 24-nik sivisussuseqassaaq.

§ 10. Tunngaviusumik ilinniartitsinermi siunertaavoq peqataasut ataasiakkaat tunngavissatut pikkorissuseqartilissallugit, peqataasoq suliaqarsinnaangortillugu

- 1) kommunini annaassiniarnissamut piareersimasutut qamisaaanermi ikiortitit piginnaas-suseqarluartutut suliaqarsinnaangortillugu, aamma
- 2) nunaqarfinni annaassiniarnissamut upalungaarsimasutut qamisaaanermi nammineerluni suliaqarsinnaangortillugu.

Imm. 2. Tunngaviusumik ilinniartitaaneq ilinniartitsinermut pilersaarut akuersissuti-gineqartoq naapertorlugu najukkami qatserisartut naalagaanit ingerlanneqarnissaa qulakkeerneqassaaq. Tunngaviusumik ilinniartitsineq nal. akunnerinik 56-inik sivisussuseqassaaq.

§ 11. Tunngaviusumik ilinniartitaanerup saniatigut qatserisartut naalagaat pumpinik paaqqutarinninnissamut pikkorissartitsinermik aammalu silaannaap naqitsineranik atortunik atuisinnaanermut pikkorissartitsinissamut neqerooruteqassapput.

§ 12. Ikiueqqaarnermut pikkorissartitsinermi ilitsersuisuusup peqataasunut anguniagassatut piumasaaqataasunik naammassinnissimasunut pikkorissarsimanermut uppernarsaat tunniutissavaa, tak. § 9.

Imm. 2. Qatserisartut naalagaata tunngaviumik ilinniartitsinermik naammassinnissimasunut, tak. § 10 aammalu § 11-mi pikkorissartitsinernut taaneqartunut naammaginantumik angusaqartunut pikkorissarsimanermut uppernarsaatit tunniutissavai.

Imm. 3. Tunngaviumik ilinniartitaaneq Ikuallattoqartillugu suliassanut ilinniartitaanermut peqataasussatut tiguneqarnissamut piginnaassuseqartitsivoq.

Ingerlaqqiffiusumik ilinniartitaaneq

§ 13. Ikuallattoqartillugu suliassanut ilinniartitaanerup siunertaraa qatserisartut ataasiakkaat kommunini annaassiniartarnermi upalungaarsimanissami namminneerlutik qamisaaissamut pisariaqartinneqartumik ilisimasaqalersissallugit pikkorissuseqartilissallugillu.

Imm. 2. Ikuallattoqartillugu suliassamut ilinniartitaaneq Kalaallit Nunaanni Qatserinermik Ilinniartifimmiit ilinniartitsissutissatut pilersaarut akuersissutigineqartoq naapertorlugu ingerlanneqarnissaa qulakkeerneqassaaq. Ikuallattoqartillugu suliassanut ilinniartitaaneq nal. akunnerinut 160-inut naatsorsuussaavoq.

§ 14. Kalaallit Nunaanni Qatserinermik Ilinniartifup imaluunniit Kalaallit Nunaanni Qatserinermit Ilinniartifimmiit piginnaaneqartinneqartup ikuallattoqartillugu suliassanut ilinniartitaanermik naammaginantumik angusaqarlutik naammassinnittunut pikkorissarsimanermut uppernarsaat tunniutissavaa.

Imm. 2. Ikuallattoqartillugu suliassanut ilinniartitaaneq sulisoqatigiiaanut aqutsisut pikkorissartitaanerannut peqataasussatut tiguneqarnissamut piginnaassuseqartitsivoq.

§ 15. Sulisoqatigiiaanut aqutsisutut aammalu ikuallattoqartillugu qatserinermi pisortatut pikkorissarnerit Danmarkimi ingerlanneqartassapput. Naammattunik amerlassusilinnik peqataaniartoqarpat pikkorissarnerit Kalaallit Nunaanni ingerlanneqarsinnaapput.

Imm. 2. Kalaallit Nunaanni pikkorissarnerit pikkorissarnerit Danmarkimi ingerlanneqartartut imarisamikkut assigissavaat, tak. imm. 1.

Imm. 3. Ikuallattoqartillugu qatserinermi pisortatut pikkorissarneq ikuallatsaaliuineq pillugu sanaartukkat teknikikkut misissorneqartarneranni suliassanik ingerlatsisussatut ilinniarnermut peqataasussatut tiguneqarnissamut piginnaassusiliissaaq.

§ 16. Kalaallit Nunaanni Qatserinermik Ilinniartifup minnerpaamik ukiut marlukkuutaarlugit qatserisartut naalagaat tapiutaasumik pikkorissartittassavai.

Atortuulersitsinissamik atorunnaarsitsinissamillu aalajangersagaq

§ 17. Nalunaarut atulissaaq ulloq 1. oktober 2001. Tamatuma peqatigisaanik Kalaallit Nunaanni qatserisartut ilinniartitaanerit pillugu nalunaarut nr. 181, 23. april 1982-imeersoq atorunnaarsinneqassaaq.

Namminersornerullutik Oqartussat, ulloq 6. september 2001.

Lise Lennert

/

Karl Kristian Olsen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut